



ՈՐՈՇՈՒՄ
ՔԱՂԱՔԱՑԻԱԿԱՆ ԳՈՐԾԸ ՎԱՐՈՒՅԹ ԸՆԴՈՒՆԵԼՈՒ,
ՎԵՃԸ ԳՐԱՎՈՐ ԸՆԹԱՑԱԿԱՐԳՈՎ ՔՆՆԵԼՈՒ,
ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ
ՆՇԱՆԱԿԵԼՈՒ ՄԱՍԻՆ

23.06.2026թ.

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանը՝ նախագահությամբ դատավոր Դ. Օհանյանի (այսուհետ՝ Դատարան), ծանոթանալով թիվ ԵԴ2/6126/02/25 քաղաքացիական գործը վարույթ ընդունելու հարցը,



ՊԱՐԶԵՑ

«Իքս-Արթ» ՍՊԸ-ի անունից հայցադիմում է ներկայացվել դատարան ընդդեմ ՀՀԿԳՄՍՆԷԱՃԱՊԶԲ-25/65 ծածկագրով էլեկտրոնային աճուրդի գնահատող հանձնաժողովի (այսուհետ նաև՝ Պատասխանող) թիվ «ՀՀԿԳՄՍՆԷԱՃԱՊԶԲ-25/65» ծածկագրով էլեկտրոնային աճուրդի գնահատող հանձնաժողովի նիստի թիվ 4 արձանագրությունը՝ «ԻՔՍ-ԱՐԹ» ՍՊԸ-ի կողմից 2-րդ չափաբաժնի համար ներկայացրած հայտն անբավարար գնահատելու և մերժելու, ինչպես նաև գնման գործընթացի 2-րդ չափաբաժինը չկայացած ճանաչելու մասերով անվավեր ճանաչելու և որպես հետևանք «ԻՔՍ-ԱՐԹ» ՍՊ ընկերության կողմից 2-րդ չափաբաժնի համար ներկայացված հայտը վերագնահատելուն պարտավորեցնելու պահանջների մասին:

Դատարանի (դատավոր՝ Ս. Երիցյան) 25.08.2025 թվականի վճռով հայցը մերժվել է:

ՀՀ վերաքննիչ քաղաքացիական դատարանի 09.04.2026 թվականի որոշմամբ վերաքննիչ բողոքը բավարարվել է՝ ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի թիվ ԵԴ2/6126/02/25 քաղաքացիական գործով 25.08.2025թ. կայացրած վճիռը բեկանվել և գործն ուղարկվել է ՀՀ Երևան քաղաքի առաջին ատյանի ընդհանուր իրավասության քաղաքացիական դատարան՝ ամբողջ ծավալով նոր քննության:

Քաղաքացիական գործը 17.06.2026 թվականին մակագրվել է դատավորին, իսկ իսկ դատավորի աշխատկազմին է հանձնվել 18.06.2026 թվականին:

ՀՀ քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ նույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

ՀՀ քաղաքացիական դատավարության օրենսգրքի 234.6-րդ հոդվածի 5-րդ մասի համաձայն՝ հայցադիմումը վարույթ ընդունելու մասին որոշումն անհապաղ ուղարկվում է «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի հասցեին: Լիազորված

մարմինը նույն մասով նախատեսված որոշումն անհապաղ հրապարակում է «Գնումների մասին» Հայաստանի Հանրապետության օրենքի 2-րդ հոդվածի 1-ին մասի 14-րդ կետով նախատեսված տեղեկագրում՝ նշելով կասեցման օրը:

ՀՀ քաղաքացիական դատավարության օրենսգրքի 234.9-րդ հոդվածի 1-ին մասի համաձայն՝ դատարանը նույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ ելել է եզրահանգման, որ անհրաժեշտ է գործը քննել դատական նիստում:

«Գնումների մասին» ՀՀ օրենքի 2-րդ հոդվածի 1-ին մասի 13-րդ կետի համաձայն՝ նույն օրենքում օգտագործվում են հետևյալ հիմնական հասկացությունները. **լիազորված մարմին**՝ պետական ֆինանսների կառավարման բնագավառում Հայաստանի Հանրապետության կառավարության քաղաքականությունը մշակող և իրականացնող՝ Հայաստանի Հանրապետության գործադիր իշխանության պետական մարմին:

Միաժամանակ հիմք ընդունելով ՀՀ քաղաքացիական դատավարության օրենսգրքի 234.9-րդ հոդվածի 1-ին մասը՝ Դատարանը գտնում է, որ գործը ենթակա է քննության գրավոր ընթացակարգով:

Անդադառնանալով սույն որոշմամբ միաժամանակ պատասխանողից ապացույց պահանջելու հարցին, Դատարանն արձանագրում է, որ Երևան քաղաքի առաջին ատյանի ընդհանուր իրավասության դատարանի (դատավոր՝ Ս. Երիցյան) 02.07.2025 թվականի որոշմամբ «ՀՀԿԳՄՍՆԷԱՃԱՊՁԲ-25/65» ծածկագրով էլեկտրոնային աճուրդի գնահատող հանձնաժողովից պահանջվել է դատարան ներկայացնել «ՀՀԿԳՄՍՆԷԱՃԱՊՁԲ-25/65» ծածկագրով գնման գործընթացի հետ կապված իր տիրապետման տակ գտնվող բոլոր ապացույցները, որը վերջինիս կողմից կատարվել է:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 125-րդ, 199-րդ և 200-րդ հոդվածներով, ինչպես նաև 27.2-րդ և 11.1-րդ գլուխներով՝ Դատարանը

ՈՐՈՇԵՑ

1. Թիվ ԵԴ2/6126/02/25 քաղաքացիական գործն ընդունել վարույթ:
2. Գործը քննել գրավոր ընթացակարգով:
3. Եզրափակիչ դատական ակտը կիրապարակվի **30.07.2026 թվականին** ՀՀ դատական իշխանության պաշտոնական կայքի միջոցով:
4. Որոշումն անհապաղ ուղարկել լիազորված մարմին ՀՀ ֆինանսների նախարարություն:
5. Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ



Դ. ՕՎԱՆՅԱՆ